



春秋左氏傳

再刻

三四

卷六

服部文庫
117
205
2



春秋

左傳卷三

盡三十二年



莊公名同桓公子母文姜諡法勝敵克亂曰莊

經元年春王正月三月夫人孫于齊夫人莊公母也魯人責之

故出奔內諱奔謂之孫猶孫讓而去夏單伯送王姬無傳單伯天子卿也單采地伯

爵也王將嫁女于齊既命魯為主故單伯送女不稱使也王姬不稱字以王為尊且別於內女也天子嫁女於諸侯使同姓諸

侯主之不親昏尊卑不敵秋築王姬之館于外公諒闇慮齊侯當親迎不忍便以禮接

於廟又不敢逆王命故築舍於外冬十月乙亥

陳侯林卒無傳未同盟王使榮叔來錫桓公命無傳

榮叔周大夫榮氏叔字錫賜也追命桓公王姬歸襄稱其德若昭七年王追命衛襄之比

王姬歸

于齊無傳不書逆齊師遷紀邢部部無傳齊欲滅紀故徙其三

邑之民而取其地邢在東莞臨朐縣東南部在朱虛縣東南北海都昌縣西有訾城

傳元年春不稱即位文姜出故也文姜與桓俱行而桓為齊所殺

故不敢還莊公父弒母出故不忍行即位之禮據文姜未還故傳稱文姜出也姜於是感公意而還

不書不告廟三月夫人孫于齊不稱姜氏絕不為親禮

也姜氏齊姓於文姜之義宜與齊絕而秋築王姬

復奔齊故於其奔去姜氏以示義之館于外為外禮也齊疆魯弱又委罪于彭生魯不能讐齊然喪制未闕故異

其禮得禮之變

經二年春王二月葬陳莊公無傳魯往會之故夏

公子慶父帥師伐於餘丘無傳於餘丘國名也莊公時年十五則慶父莊

公庶秋七月齊王姬卒無傳魯為之冬十有二月

夫人姜氏會齊侯于糒夫人行不以禮故還皆不書不告廟也糒齊地乙

丙宋公馮卒無傳再與桓同盟

傳二年冬夫人姜氏會齊侯于糒書姦也文姜前與公俱

如齊後懼而出奔至此始與齊好會會非夫人之事顯然書之傳曰書姦姦在夫人文姜比年出會

其義皆同

經三年春王正月朔會齊師伐衛溺魯大夫疾其

氏夏四月葬宋莊公無傳五月葬桓王秋紀季以鄆

入于齊

季紀侯弟鄆紀邑在齊國東安平縣齊欲滅紀故季以邑入齊為附庸先祀不廢社

稷有春故

冬公次于滑

滑鄭地在陳留襄邑縣西北傳例曰凡師過信為次

兵未有所加所次則書之既書兵所加則不書其所次以事為宜非虛次

傳

三年春溺會齊師伐衛疾之也

傳重明夏五月

葬桓王緩也

以桓十五年三月崩七年乃葬故曰緩

秋紀季以鄆入

于齊紀於是乎始判

判分也言分為附庸始於此

冬公次于滑

將會鄭伯謀紀故也鄭伯辭以難

厲公在凡師一

宿為舍再宿為信過信為次

為經書次例也舍宿不書輕也言凡師通

君

經

四年春王二月夫人姜氏享齊侯于祝丘

無傳

也兩君相見之禮非夫人所

三月紀伯姬卒

無傳

用直書以見其失祝丘魯地

夏齊侯陳侯鄭伯遇

于垂

無傳紀侯大去其國以國與季季奉社稷故不

大去者不

六月乙丑齊侯葬紀伯姬

無傳紀季入

而紀侯大去其國齊侯加禮初祔以崇厚

秋七月

冬公及齊人狩于糒

無傳公越竟與齊微

傳

四年春王三月楚武王荆尸授師子焉以伐隨

尸陳也荆亦楚也更為楚陳兵之法揚雄方

將齊

入告夫人鄧曼曰余心蕩將授兵於廟故鄧曼歎

曰王祿盡矣盈而蕩天之道也先君其知之矣故

臨武事將發大命而蕩王心焉楚為小國僻陋在夷至此武王始起

其眾僭號稱王陳兵授師志意盈滿臨齊而散故鄧曼以天地鬼神為徵應之符若師徒

無虧王薨於行國之福也王薨於行不處於敵王遂行卒於

楸木之下楸木木名令尹鬬祁莫敖屈重除道梁澆營

軍臨隨隨人懼行成時祕王喪故為奇兵更開直道澆水在義陽厥縣西東南

入鄭水梁橋也隨人不意其至故懼而行成莫敖以王命入盟隨侯且

請為會於漢汭而還汭內也謂漢西濟漢而後發喪紀侯

不能下齊以與紀季不能降屈事齊盡以國與季明季不叛夏紀侯

大去其國遠齊難也遠辟也

經五年春王正月夏夫人姜氏如齊師無傳書姦秋郕

犁來來朝附庸國也東海昌慮縣東北有郕城犁來名冬公會齊人宋

人陳人蔡人伐衛

傳五年秋郕犁來來朝名未王命也未受爵命為諸侯傳發附

庸稱名例也其後數從齊桓以尊周室王命以為小邦子冬伐衛納惠公也惠公

朔也桓十六年出奔齊

經六年春王正月壬子突救衛王人王之微官也雖官卑而見

授以大事故稱人而又稱字夏六月衛侯朔入于衛朔為諸侯所納不稱

歸而以國逆為文朔懼失眾心以國逆告也歸入例在成十八年秋公至自伐衛

於廟也無傳告也螟為災冬齊人來歸衛俘公羊穀梁經傳皆言衛寶此傳

亦言寶唯此經言俘疑經誤俘囚也

六年春王人救衛夏衛侯入放公子黔牟于周

放甯跪于秦殺左公子洩右公子職甯跪衛大夫有之以遠曰

乃即位君子以二公子之立黔牟為不度矣夫

能固位者必度其本末而後立衷焉不知其本不

謀知本之不枝弗彊本末終始也衷節適也譬之樹木本弱者其枝必披非人

力所能強成詩云本枝百世詩大雅言文王本枝俱茂蕃滋百世也冬齊

人來歸衛甯文姜請之也公親與齊共伐衛事畢而還文姜淫於齊侯故

求其所獲珍寶使以歸魯欲說魯以謝慙楚文王伐申過鄧鄧祁侯曰

吾甥也祁謚也姊妹之子曰甥止而享之雖甥甥甥養甥請

殺楚子皆祁甥也鄧侯弗許三甥曰亡鄧國者必

此人也若不早圖後君噬齊若齧腹齊喻不可及其及圖之

乎圖之此為時矣鄧侯曰人將不食吾餘言自實其甥必

取餘言君無復餘弗從還年楚子伐鄧伐申還十六年

楚復伐鄧滅之魯莊公十六年楚終強

經七年春夫人姜氏會齊侯于防防魯地夏四月辛

卯夜恒星不見恒常也謂常見之星辛卯四月五

夜中星隕如雨如而也夜半乃有雲星落而且

恒星不見而云夜秋大水無傳無麥苗

冬夫人姜氏會齊侯于穀穀齊地今濟北

傳七年春文姜會齊侯于防齊志也文姜數與齊

則姦發夫人至魯地則齊侯侯會至齊地

之志故傳略舉一端以言之夏恒星不見夜明也

星隕如雨與雨偕也借俱秋無麥苗不害嘉穀也

黍稷尚可更種故曰不害嘉穀

經八年春王正月師次于郎以俟陳人蔡人無傳

伐邲陳蔡不至故甲午治兵治兵於廟習號夏師

及齊師圍邲邲降于齊師二國同討而秋師還時

善公克已復禮全軍而還故特書師還冬十有一月癸未齊無知弒

其君諸兒稱臣臣之罪也

傳八年春治兵于廟禮也夏師及齊師圍邲邲降

于齊師仲慶父請伐齊師齊不與魯共其公曰不

可我實不德齊師何罪罪我之由夏書曰臯陶邁

種德夏書逸書也稱臯陶能勉種德邁勉也德乃降姑務脩德以待

時乎言苟有德乃為人秋師還君子是以善魯莊

公傳言經所以即齊侯使連稱管至父戍葵丘連稱

管至父皆齊大夫戍守也葵丘齊地臨淄縣西有地名葵丘瓜時而往曰及瓜

而代期戍公問不至問命也請代弗許故謀作亂僖

公之母弟曰夷仲年生公孫無知有寵於僖公衣

服禮秩如適適太襄公紂之二人因之以作亂

連稱管連稱有從妹在公宮無寵使間公間公之曰

提吾以女為夫人提克也宜冬十二月齊侯游于

姑焚遂田于貝丘姑焚貝丘皆齊地田獵也樂見安博昌縣南有地名貝丘見

大豕從者曰公子彭生也公見大豕而從者公怒

曰彭生敢見射之豕人立而啼公懼隊于車傷足

喪屨反誅屨於徒人費誅責也弗得鞭之見血走出

遇賊于門劫而束之費曰我奚御哉祖而示之背

信之費請先入詐欲伏公而出鬪死于門中石之

紛如死于階下石之紛如齊遂入殺孟陽于牀孟陽

亦小臣代曰非君也不類見公之足于戶下遂弑

之而立無知經書十一月癸未長曆推之初襄公

立無常政令無常鮑叔牙曰君使民慢亂將作矣奉公

子小白出奔莒鮑叔牙小白傳亂作管夷吾召忽

奉公子糾來奔管夷吾召忽皆子糾傅也子糾小白庶兄來不書皆非卿也為九年

公伐齊納子糾齊小白入于齊傳初公孫無知虐于雍廩雍廩齊大夫為

殺無知殺無知傳

九年春齊人殺無知無知弑君而立未列於會故不書爵例在成十六年

公及齊大夫盟于莒齊亂無君故大夫得敵於公蓋欲迎子糾也來者非一人

故不稱各莒魯地琅邪繒縣北有莒亭夏公伐齊納子糾齊小白入于

齊二公子各有黨故雖盟而迎子糾當須伐乃得入又出在小白之後小白稱入從國逆之文本

無秋七月丙酉葬齊襄公無傳九月乃葬亂故八月庚申及

齊師戰于乾時我師敗績小白既定而公猶不退師歷時而戰戰遂大敗

不稱公戰公敗諱之乾時齊地時水在樂安界岐流旱則竭涸故曰乾時九月齊人取

子糾殺之公子為賊亂則書齊實告殺而書齊取殺者時史惡齊志在誦以求管仲非不

忍其親故極言之冬浚洙無傳洙水在魯城北下合泗浚深之為齊備

九年春雍廩殺無知公及齊大夫盟于莒齊無

君也夏公伐齊納子糾桓公自莒先入桓公小白秋師

及齊師戰于乾時我師敗績公喪戎路傳乘而歸

戎路兵車傳 秦子梁子以公旗辟于下道御及戎

乘乘他車 是以皆止也鮑叔帥師來言曰子糾親

也請君討之鮑叔乘勝而進軍志在生管召讎也

請受而甘心焉管仲射桓公故曰讎乃殺子糾

于生竇魯地召忽死之管仲請囚鮑叔受之及堂

阜而稅之堂阜齊地東莞蒙陰縣西北有夷吾亭

歸而以告曰管夷吾治於高侯高侯齊卿高敬仲

於敬仲事之亦多使相可也公從之

經 十年春王正月公敗齊師于長勺齊人雖成列

魯以權譎稽 之列成而不得用故以采陳 二月公侵宋無傳侵

為文例在十一年長勺魯地 三月宋人遷宿無傳宋強遷之而取夏六月

齊師宋師次于郎不言侵伐齊為兵去背公敗宋

師于乘丘魯地秋九月荆敗蔡師于莘荆楚本號

楚辭兩在夷於此始通中國然告命之 以蔡侯獻

舞歸獻舞冬十月齊師滅譚譚國在濟南平陵縣

直釋所以見滅經無義例他 譚子奔莒不言出奔

皆放此滅例在文十五年 譚子奔莒國滅無所

傳 十年春齊師伐我不書侵伐齊背公將戰曹劌

不書侵伐齊背 我有辭 公將戰曹劌

請見曹劌魯人其鄉人曰肉食者謀之又何間焉肉食在位

者間猶與也劌曰肉食者鄙未能遠謀乃入見問何以

戰公曰衣食所安弗敢專也必以分人對曰小惠

未徧民弗從也分公衣食所惠不過左右故曰未徧公曰犧牲玉帛

弗敢加也必以信祝辭不敢以小為大以惡為美對曰小信未孚

神弗福也孚大信也公曰小大之獄雖不能察必以情

必盡已情察審也對曰忠之屬也上思利民忠也可以一戰戰則

請從公與之乘共乘兵車戰于長勺公將鼓之劌曰未

可齊人三鼓劌曰可矣齊師敗績公將馳之劌曰

未可下視其轍視車跡也登軾而望之曰可矣遂逐齊

師既克公問其故對曰夫戰勇氣也一鼓作氣再

而衰三而竭彼竭我盈故克之夫大國難測也懼

有伏焉恐詐奔吾視其轍亂望其旗靡故逐之旗靡轍亂

怖夏六月齊師宋師次于郎公子偃曰宋師不整

可敗也公子偃魯大夫宋敗齊必還請擊之公弗許自雩

門竊出蒙臯比而先犯之雩門魯南城門臯比虎皮公從之大

敗宋師于乘丘齊師乃還蔡哀侯娶于陳息侯亦

娶焉息媯將歸過蔡蔡侯曰吾姨也妻之姊媯曰媯止而

見之弗賓不禮也息侯聞之怒使謂楚文王曰伐我

吾求救於蔡而伐之楚子從之秋九月楚敗蔡師

于莘以蔡侯獻舞歸齊侯之出也過譚譚不禮焉

及其入也諸侯皆賀譚又不至以九年入冬齊師滅譚

譚無禮也譚子奔莒同盟故也傳言譚不能及遠所以亡

經十有一年春王正月無傳夏五月戊寅公敗宋師

于鄆鄆魯地傳例曰敵未陳曰敗某師秋宋大水公使弔之故書冬王姬

歸于齊魯主昏不書齊侯逆不見公

傳十一年夏宋為乘丘之役故侵我公禦之宋師

未陳而薄之敗諸鄆凡師敵未陳曰敗某師通謂設權

誦變詐以勝敵彼我不得成列成列而不得用故以未陳獨敗為文皆陳曰戰擊而有備

各得其所成敗決於志力者也大崩曰敗績師徒撓敗若沮岸崩山喪其功績故曰敗

績得雋曰克謂若大叔段之比才力足以服眾威權足以自固進不成為外寇強敵退覆而敗之

復狡壯有二君之難而實非一君克而勝之則不言彼敗績但書所克之名京師敗

曰取其師覆謂威力兼備若羅網所掩覆軍皆見禽制故以取為文

曰王師敗績于某王者無敵於天下天下非所得與戰者然春秋之世據有其事

事列於經則不得不因申其義有時而敗則以自敗為文明天下莫之得按秋宋大水

公使弔焉曰天作淫雨害於衆盛若之何不弔為不

天所對曰孤實不敬天降之災又以爲君憂拜命

之辱謝辱厚命臧文仲曰宋其興乎臧文仲魯大夫禹湯罪已

其興也悖焉悖盛貌桀紂罪人其亡也忽焉忽速貌且

列國有凶稱孤禮也列國諸侯無凶則常稱寡人言懼而名禮

其庶乎言懼罪已各禮稱孤其庶幾於興既而聞之曰公子御說

之辭也宋莊公臧孫達曰是宜爲君有恤民之心冬

齊侯來逆共姬齊桓公也乘丘之役在十年公以金僕姑

射南宮長萬金僕姑矢各南宮長萬宋大夫公右欲孫生搏之搏取

也不書獲萬時未爲卿宋人請之宋公靳之戲而相愧曰靳魯聽其得還

曰始吾敬子今子魯囚也吾弗敬子矣病之萬不爲宋萬弒君傳

十有二年春王三月紀叔姬歸于鄆無傳紀侯去國而死

叔姬歸魯紀季自定於齊而後歸之全守節義以終婦道故繫之紀而以初嫁爲文賢之也來歸不書非寧且

非大婦夏四月秋八月甲午宋萬弒其君捷及

其大夫仇牧捷閔公不書葬亂也萬及仇牧皆宋卿仇牧稱名不警而遇賊無善事可

冬十月宋萬出奔陳奔例在宣十年

十二年秋宋萬弒閔公于蒙澤蒙澤宋地深國有蒙縣遇

仇牧于門批而殺之手批之也遇大宰督于東宮之西

又殺之殺督不書立子游子游宋公子羣公子奔蕭公

子御說奔毫蕭宋邑今沛國蕭縣毫南宮牛猛獲

帥師圍毫牛長萬之子冬十月蕭叔大心叔蕭大夫名

及戴武宣穆莊之族宋五公之子孫以曹師伐之殺南宮

牛于師殺子游于宋立桓公桓公御說猛獲奔衛南宮

萬奔陳以乘車輦其母一日而至乘車非兵車駕人曰輦宋去陳

子曰不可石祁子天下之惡一也惡於宋而保於

我保之何補得一夫而失一國與惡而棄好非謀

二百六十里言萬之多宋人請猛獲于衛衛人欲勿與石祁

也宋衛本同好國衛人歸之亦請南宮萬于陳以賂陳人

使婦人飲之酒而以犀革裹之比及宋手足皆見

宋人皆醢之醢肉醬并醢猛獲故言皆

經十有三年春齊侯宋人陳人蔡人邾人會于北

杏北杏齊地夏六月齊人滅遂遂國在濟北蛇丘縣東北秋七月冬

公會齊侯盟于柯此柯今濟北東阿齊之阿邑猶祝柯今為祝阿

傳十三年春會于北杏以平宋亂宋有弑君之亂齊桓欲脩霸業

遂人不至夏齊人滅遂而戍之戍守也冬盟于柯始

及齊平也始與齊桓通好宋人背北杏之會

經十有四年春齊人陳人曹人伐宋背北杏夏單

伯會伐宋既伐宋單伯乃至故曰秋七月荆入蔡

入例在文冬單伯會齊侯宋公衛侯鄭伯于鄆鄆地今東郡鄆城也齊桓脩霸業卒平宋亂宋人

張從欲歸功天子故赴以單伯會諸侯為文

十四年春諸侯伐宋齊請師于周齊欲崇天子

命以示大順經書人傳夏單伯會之取成于宋而

還鄭厲公自櫟侵鄭厲公以桓十五年及大陵獲傅

瑕大陵鄭地傳傅瑕曰苟舍我吾請納君與之盟

而救之六月甲子傅瑕殺鄭子及其二子而納厲

公鄭子莊四年稱伯會諸侯今見殺不稱君初內

蛇與外蛇鬪於鄭南門中內蛇死六年而厲公入

公聞之問於申繻曰猶有妖乎對曰人之所忌其

氣燄以取之妖由人興也尚書洛誥無若火始燄

喻入心人無憂焉妖不自作人棄常則妖興故有

妖厲公入遂殺傅瑕使謂原繁曰傅瑕貳言有二

周有常刑既伏其罪矣納我而無二心者吾皆許

之上大夫之事吾願與伯父圖之上大夫卿也伯

繁有且寡人出伯父無裒言無納我入又不念寡

人附不親已寡人憾焉對曰先君桓公命我先人典司

宗祏桓公鄭始受封君也宗祏宗廟中藏主石室言已世為宗廟守臣社稷有主

而外其心其何貳如之苟主社稷國內之民其誰

不為臣臣無二心天之制也子儀在位十四年矣

子儀鄭子也而謀召君者庸非貳乎庸用也莊公之子猶

有八人若皆以官爵行賂勸貳而可以濟事君其

若之何臣聞命矣乃縊而死蔡哀侯為莘故繩息

媯以語楚子莘役在十一年繩譽也楚子如息以食入享遂滅

息偽設享食之具以息媯歸生堵敖及成王焉未言未與王言

楚子問之對曰吾一婦人而事二夫縱弗能死其

又奚言楚子以蔡侯滅息遂伐蔡欲以說息媯秋七月

楚入蔡君子曰商書所謂惡之易也如火之燎于

原不可鄉邇其猶可撲滅者其如蔡哀侯乎商書盤庚

言惡易長而難滅冬會于鄆宋服故也

經十有五年春齊侯宋公陳侯衛侯鄭伯會于鄆

夏夫人姜氏如齊無傳夫人文姜齊桓公姊妹父母在則禮有歸寧及則使卿寧

秋宋人齊人邾人伐鄭宋主兵故鄭人侵宋冬十

月

傳十五年春復會焉齊始霸也始為諸侯長秋諸侯為

宋伐鄭鄭附庸屬宋而叛故齊桓為之伐鄭鄭人聞之而侵宋

經十有六年春王正月夏宋人齊人衛人伐鄭宋主

冬十有二月會齊侯宋公陳侯衛侯鄭伯許男滑

伯滕子同盟于幽書會魯會之不書其人微者也

皆在衛下齊桓始霸楚亦始彊陳侯介於二大國之間而為三恪之客故齊桓因而進之遂班在衛

上終於春秋滑國都費邾子克卒無傳克儀父名

河南緱氏縣幽宋地諸侯再同盟

請王命以為諸侯再同盟

傳十六年夏諸侯伐鄭宋故也鄭侵宋故鄭伯自櫟入

在十四年緩告于楚秋楚伐鄭及櫟為不禮故也鄭伯

治與於雍糾之亂者在桓十五年九月殺公子闕別強

鉏二子祭仲黨公父定叔出奔衛共叔段之孫定諡也三年

而復之曰不可使共叔無後於鄭使以十月入曰

良月也就盈數焉數滿君子謂強鉏不能衛其足

言其不能冬同盟于幽鄭成也王使虢公命曲沃

伯以一軍為晉侯曲沃武公遂并晉國僖王因初

晉武公伐夷執夷詭諸夷詭諸周大夫夷采地名為國請而免

之為國周大夫既而弗報說諸不報施於為國故子國作亂謂晉

人曰與我伐夷而取其地使晉取夷地遂以晉師伐夷

殺夷詭諸周公忌父出奔號周公忌父王卿士辟子國之難惠王

立而復之魯桓十五年經書桓王崩魯莊三年經書葬桓王自此以來周有莊王又有僖

王崩葬皆不見於經傳王室微弱不能復自通於諸侯故傳因周公忌父之事而見惠王惠王立在此年之末

經十有七年春齊人執鄭詹齊桓始霸鄭既伐宋又不朝齊詹為鄭執

政大臣請齊見執不稱行人罪之也行人例在襄十一年諸執大夫皆稱人以執之大夫賤故

齊人殲于遂殲盡也齊人戍遂而無備遂人計而盡殺之故時史因以自盡為文

秋鄭詹自齊逃來無傳詹不能伏節守死以解國患而遁逃苟免書逃以賤之

冬多麋無傳麋多則害五稼故以災書

傳十七年春齊人執鄭詹鄭不朝也夏遂因氏領

氏工婁氏須遂氏饗齊戍醉而殺之齊人殲焉饗酒

食也四族遂之疆宗齊滅遂戍之在十三年

經十有八年春王三月日有食之無傳不書日官失之夏公

追戎于濟西戎來侵魯公逐之於濟水之西秋有蜚蜚短弧也蓋以含沙射人

為冬十月

傳十八年春虢公晉侯朝王王饗醴命之宥王之觀羣

左傳

卷三

三

三

命以幣物春助也所以助勸敬之意言備設皆賜

玉五穀馬三匹非禮也雙玉為穀王命諸侯各位不同

禮亦異數不以禮假人侯而與公同虢公晉侯鄭

伯使原莊公逆王后于陳陳媯歸于京師虢晉朝

又以齊執其卿故求王為援皆在周倡義為王定

昏陳人敬從得同姓宗國之禮故傳詳其事不書

實惠后陳媯後號惠后寵愛少子亂周室事在

夏公追戎于濟西不言其來諱之也戎來侵魯魯

尹之權國名南郡當陽縣東以叛圍而殺之緡以

遷權於那處那處楚地南郡編使閻敖尹之閻敖

夫及文王即位與巴人伐申而驚其師驚巴人

叛楚而伐那處取之遂門于楚攻楚城門閻敖游涌而

逸涌水在南郡華容縣閻敖既楚子殺之其族為

亂冬巴人因之以伐楚

經十有九年春王正月夏四月秋公子結媵陳人

之婦于鄆遂及齊侯宋公盟無傳公子結魯大夫

女媵陳侯之婦其稱陳人之婦未入國略言也大

夫出竟有可以安社稷利國家者則專之可也結

在鄆聞齊宋有會權事之宜去其本職遂與二君

為盟故備書之本非魯公意而又失媵陳之好故

冬各夫人姜氏如莒無傳非父母國而往書姦冬齊人宋人陳

人伐我西鄙無傳幽之盟魯使微者會鄆之盟又使滕臣行所以受敵鄙邊邑

傳十九年春楚子禦之大敗於津禦巴人為巴人所敗津楚地或

日江陵縣有津鄉還鬻拳弗納遂伐黃鬻拳楚大冏黃驪姓國今弋陽縣

敗黃師于踏陵踏陵黃地還及湫有疾南郡都縣東南有湫城夏

六月庚申卒鬻拳葬諸夕室夕室地各亦自殺也而葬

於經皇經皇冢前闕生守門故死不失職初鬻拳強諫楚子楚子

弗從臨之以兵懼而從之鬻拳曰吾懼君以兵罪

莫大焉遂自刎也楚人以為大闢謂之大伯若今城門

使其後掌之使其子孫常主此官君子曰鬻拳可謂愛

君矣諫以自納於刑猶不忘納君於善言愛君明非臣

初王姚嬖于莊王生子頹王姚莊

子頹有寵為國為之師及惠王即位周惠王莊王孫

取為國之圃以為囿圃園也邊伯之宮近於王宮

王取之邊伯周大夫王奪子禽祝跪與詹父田子禽周大夫

而收膳夫之秩膳夫石速也秩祿也故為國邊伯石速詹父

子禽祝跪作亂因蘇氏蘇氏周大夫桓王奪其十邑以與鄭自此以來遂

不秋五大夫奉子頹以伐王石速士也故不克

出奔溫溫蘇氏邑蘇子奉子頹以奔衛衛師燕師伐周

燕南冬立子頹

經二十年春王二月夫人姜氏如莒無傳夏齊大災

無傳來告以大故書天秋七月冬齊人伐我無傳

傳二十年春鄭伯和王室不克克能也執燕仲父仲燕

父南燕伯夏鄭伯遂以王歸王處于櫟秋王及鄭

伯入于鄆鄆鄆王所取鄭邑遂入成周取其寶器而還冬王

子頹享五大夫樂及徧舞皆舞六代之樂鄭伯聞之見號

叔叔號曰寡人聞之哀樂失時殃咎必至今王子

頹歌舞不倦樂禍也夫司寇行戮司寇刑官君為之不

舉去盛饒而況敢樂禍乎奸王之位禍孰大焉臨禍

忘憂憂必及之盍納王乎號公曰寡人之願也

經二十有一年春王正月夏五月辛酉鄭伯突卒

十六年與魯秋七月戊戌夫人姜氏薨無傳薨寢

大夫盟于幽冬十有二月葬鄭厲公無傳八月乃

傳二十一年春胥命于弭夏同伐王城鄭號相命也

鄭伯將王自圍門入號叔自北門入殺王子頹及

五大夫鄭伯享王子闕西辟樂備闕象魏也樂備

王與之武公之略自虎牢以東略界也鄭武公傳

虎牢以東後失其地故惠王今復與之虎牢河南成皋縣原伯曰鄭伯效尤其

亦將有咎原伯原莊公也言效子頹舞徧樂五月鄭厲公卒王巡

號守巡守於號國也天子省方謂之巡守號公為王宮于玕玕號地王

與之酒泉酒泉周邑鄭伯之享王也王以后之鞶鑑予

之后王后也鞶帶而以鑑為飾也今西方羌胡猶然古之遺服號公請器王子

之爵爵飲酒器鄭伯由是始惡於王為僖二十四年鄭執王使張本冬

王歸自號傳言王號之偏也

經二十有二年春王正月肆大眚無傳赦有罪也易稱赦過宥罪

書稱昔災肆赦傳稱肆眚謂鄭皆放赦罪人盪滌眾故以新其心有時而用之非制所常故書癸

丑葬我小君文姜無傳反哭成喪故稱小君陳人殺其公子御

寇宣公太子也陳人惡其殺太子之名故不稱君父以國討公子告夏五月秋七

月丙申及齊高侯盟于防無傳高侯齊之貴卿而與魯之微者盟齊桓謙

冬公如齊納幣幣無傳公不使卿而親納幣非禮也母喪未再期

而圖昏昏二傳不見所譏左氏又無傳失禮明故

傳二十二年春陳人殺其太子御寇傳稱太子陳

公子完與顓孫奔齊公子完顓孫皆御寇之黨顓孫自齊來奔

齊侯使敬仲為卿敬仲陳公子完辭曰羈旅之臣羈

也旅幸若獲宥及於寬政宥赦赦其不閑於教訓

而免於罪戾弛於負擔弛去君之惠也所獲多矣

敢辱高位以速官謗敢不請以死告詩云翹

翹車乘招我以弓豈不欲往畏我友朋翹逸詩也翹

者聘士以弓言雖貪顯命懼為朋友所譏責使為工正掌百工之官飲桓公

酒樂齊桓賢之故就其家會據公曰以火繼之辭

曰臣卜其書未卜其夜不敢君子曰酒以成禮不

繼以淫義也淫夜飲為以君成禮弗納於淫仁也初

懿氏卜妻敬仲懿氏陳大夫龜曰卜其妻占之曰吉懿氏是

謂鳳皇于飛和鳴鏘鏘雄曰鳳雌曰皇雄雌俱飛相和而鳴鏘鏘然猶敬仲

有媯之後將育于姜媯陳姓姜齊姓五世其

昌竝于正卿八世之後莫之與京京大陳厲公蔡

出也姊妹之子曰出故蔡人殺五父而立之五父陳佗也殺陳佗在桓

生敬仲其少也周史有以周易見陳侯者周大史也

陳侯使筮之筮曰遇觀三三坤下巽上之否三三坤下

乾上否觀六四爻變而為否曰是謂觀國之光利用賓于王此

易觀卦六四爻辭易之為書六爻皆有變象又有互體聖人隨其義而論之此其代陳

有國乎不在此其在此異國非此其身在此其子孫光

遠而自他有耀者也坤土也巽風也乾天也風為

天於土上山也巽變為乾故曰風為天自有山之

林而照之以天光於是乎居士上山則材之所生

故言居士上故曰觀國之光利用賓于玉四為諸

照之以天光庭實旅百奉之以玉帛天地之美具焉

故曰利用賓于玉良為門庭乾為金玉坤為布帛

百言猶有觀焉故曰其在後乎因觀文以博占故

風行而著於土故曰其在異國乎若在

異國必姜姓也姜大嶽之後也姜姓之先山嶽則

配天物莫能兩大陳衰此其昌乎變而象良故知

後得大嶽之權則有配及陳之初亡也昭八年陳

桓子始大於齊桓子敬仲五其後亡也哀十七年

成子得政成子陳常也敬仲八世孫陳完有禮於

其終始卜筮者聖人所以定猶豫決疑似因生義

教者也尚書洪範通龜筮以同卿士之數南離卜

亂而遇元吉惠伯答以忠信則可臧會卜僖遂獲

其應丘明故舉諸縣驗於行事者以示來世而君

子志其善者遠者他皆倣此

經二十有三年春公至自齊無傳祭叔來聘無傳穀

叔為祭公來聘魯天子內臣不得夏公如齊觀社

外交故不言使不與其得使聘

齊因祭社蒐軍實故公往觀之公至自齊無傳荆人來聘荆子使其

來聘君臣同辭者蓋公及齊侯遇于穀無傳蕭叔朝

楚之始通未成其禮無傳蕭附庸國叔各就穀朝公故不言秋丹桓

宮楹桓公廟也楹柱也冬十有一月曹伯射姑卒無傳未

各赴以十有二月甲寅公會齊侯盟于扈無傳扈鄭

卷縣西北二十三年夏公如齊觀社非禮也曹劌諫曰不

可夫禮所以整民也故會以訓上下之則制財用

之節貢賦多少朝以正班爵之義帥長幼之序征伐以

討其不然不然不諸侯有王從王王有巡守省四

以大習之大習會非是君不舉矣君舉必書書於

書而不法後嗣何觀晉桓莊之族偏桓叔莊伯之

迫公獻公患之士蔿曰去富子則羣公子可謀也

已士蔿晉大夫富子公曰爾試其事士蔿與羣公

子謀譖富子而去之以罪狀誣之同族惡其富強

親為譖則似信離其骨肉則黨弱羣公子終所以見滅秋丹桓宮之楹

二十有四年春王三月刻桓宮楹刻鏤也楹椽

故為葬曹莊公無傳夏公如齊逆女無傳親秋公至

感飾傳

左傳

卷三

二十

自齊傳無八月丁丑夫人姜氏入哀姜也公羊傳以爲姜氏要公不與

公俱入蓋以孟任故丁戊寅大夫宗婦覲用幣宗婦

同姓大夫之婦禮小君至大夫執贄以見明臣子之道莊公欲奢奪夫人故使大夫宗婦同贄俱見

大水傳冬戎侵曹曹羈出奔陳無傳羈蓋曹世子也先君既葬

而不稱爵者微弱不能自定曹人以名赴赤歸于曹無傳赤曹倍公也蓋爲戎所納故曰

郭公無傳蓋經闕誤也自曹羈以下公羊穀梁之說既不下又不可通之於左氏故不采

傳二十四年春刻其桷皆非禮也并非丹楹故言皆御孫

諫曰臣聞之儉德之共也侈惡之大也御孫魚曰大夫先

君有共德而君納諸大惡無乃不可乎以不丹楹刻桷爲共

秋哀姜至公使宗婦覲用幣非禮也傳不言大夫唯舉非常

御孫曰男贄大者玉帛公侯伯子男執至諸侯小

者禽鳥卿執羔大夫執鴈士執雉以章物也章所執之物別貴賤女贄不

過榛栗棗脩以告虔也榛小栗脩脯虔敬也皆取其名以示敬今男

女同贄是無別也男女之別國之大節也而由夫

人亂之無乃不可乎晉士蔿又與羣公子謀使殺

游氏之二子游氏二子亦桓莊之族士蔿告晉侯曰可矣不

過二年君必無患

過

過

過

過

二十有五年春陳侯使女叔來聘女叔陳卿夏女氏叔宗

五月癸丑衛侯朔卒無傳惠公也書各十六年與內大夫盟于幽六月

辛未朔日有食之鼓用牲于社鼓伐鼓也用牲以祭社傳例曰非常

也伯姬歸于杞無傳不書逆者繼秋大水鼓用牲于社

于門門國門也傳例曰亦非常也冬公子友如陳無傳報女叔之聘諸魯出

朝聘皆書如不果彼國必成其禮故不稱朝聘春秋之常也公子友莊公之母弟稱公子者史策之

通言母弟至親異於他臣其相殺害則稱弟以示義至於嘉好之事兄弟篤睦非例所與或稱弟或稱公子仍舊史之文也

母弟例在宣十七年

傳二十五年春陳女叔來聘始結陳好也嘉之也

不名季友相魯原仲相陳二人有舊故女叔來聘季友冬亦報聘嘉好接備卿以字為嘉則稱名其常也夏六月辛未朔日有食之鼓用牲于社非常

也非常鼓之月長歷推之辛未實唯正月之朔慝七月朔置閏失所致月錯

未作正月夏之四月周之六月謂正陽之月今書六月而傳云唯者明此月非正陽月也慝陰

氣日有食之於是乎用幣于社伐鼓于朝日食歷之常也

然食於正陽之月則諸侯用幣于社請救於上公伐鼓于朝退而自責以明陰不宜侵陽臣不宜掩

君以示大義秋大水鼓用牲于社于門亦非常也失常禮

凡天災有幣無牲天災日月食大水也祈請而已不用牲也非日月之

書不鼓書猶災也月侵日為書陰陽逆順之事賢聖所重故特鼓之晉士蔣使

羣公子盡殺游氏之族乃城聚而處之聚晉冬晉

侯圍聚盡殺羣公子卒如士

經二十有六年春公伐戎無傳夏公至自伐戎無傳曹

殺其大夫無傳不稱各非其秋公會宋人齊人伐

徐無傳宋序冬十有二月癸亥朔日有食之無傳

傳二十六年春晉士為為大司空大司空卿官夏士為

城絳以深其宮絳晉所都也今秋虢人侵晉冬虢

人又侵晉為傳明年晉將伐虢張本此年經傳各

而簡牘散落不究其本末故傳不復申解但言傳事而已

經二十有七年春公會杞伯姬于洮伯姬莊公夏

六月公會齊侯宋公陳侯鄭伯同盟于幽秋公子

友如陳葬原仲原仲陳大夫原氏仲字也禮臣既

夫葬具見其事卒不名故稱字季友違禮會外大

亦所以知譏冬杞伯姬來杞伯來朝無傳

姬無傳慶莒大夫叔姬莊公女卿杞伯來朝杞稱

傳二十七年春公會杞伯姬于洮非事也非諸侯

天子非展義不巡守天子巡守所諸侯非民事不

舉卿非君命不越竟夏同盟于幽陳鄭服也二十年

陳亂而齊納敬仲二十五年鄭文公之四秋公子

友如陳葬原仲非禮也原仲季友之舊也冬杞伯

姬來歸寧也寧問父凡諸侯之女歸寧曰來出曰

來歸婦不反夫人歸寧曰如某出曰歸于某晉侯

將伐虢士為曰不可虢公驕若驟得勝於我必棄

其民棄民不無眾而後伐之欲禦我誰與夫禮樂

慈愛戰所畜也夫民讓事樂和愛親哀喪而後可

用也上之使民以義讓哀號弗畜也亟戰將饑言

王使召伯廖賜齊侯命召伯廖王卿士

且請伐衛以其立子頹也立子頹在十九年

二十有八年春王三月甲寅齊人伐衛衛人及

齊人戰衛人敗績齊侯稱人者諱取賂而還夏四

月丁未邾子瑗卒無傳未同盟秋荆伐鄭公會齊

人宋人救鄭冬築郟郟魯下邑傳大無麥禾書於

臧孫辰告糴于齊臧孫辰魯大夫

二十八年春齊侯伐衛戰敗衛師數之以王命

取賂而還晉獻公娶于賈無子賈姬姓烝於齊姜

生秦穆夫人及太子申生又娶一女於戎

大戎狐姬生重耳大戎唐叔子孫小戎子生夷吾別在戎狄者

小戎允姓之戎子也晉伐驪戎驪戎男女以驪姬驪戎在京兆新

豐縣其君姬姓其爵男也納女於人曰女嵬生奚齊其娣生卓子驪姬

嬖欲立其子賂外嬖梁五與東關嬖五姓梁名五在閭闔之

外者東關嬖五別在關塞者亦名五皆大夫為獻公所嬖幸視聽外事使言於公曰

曲沃君之宗也曲沃桓叔所封先君宗廟所在蒲與二屈君之疆

也蒲今平陽蒲子縣二屈今平陽此屈縣或云二當為此不可以無主宗邑

無主則民不威疆場無主則啓戎心戎之生心民

慢其政國之患也若使太子主曲沃而重耳夷吾

主蒲與屈則可以威民而懼戎且旌君伐旌章也伐功也

使俱曰狄之廣莫於晉為都晉之啓土不亦宜乎

廣莫狄地之曠絕也即謂蒲與北屈也言遺二公子出都之則晉左當大開土界獻公未決故復使

二五俱說此美晉侯說之夏使太子居曲沃重耳居蒲城

夷吾居屈羣公子皆鄙鄙邊邑唯二姬之子在絳二

五卒與驪姬諧羣公子而立奚齊晉人謂之二五

耦二邦相耦廣一尺共起一伐言二人俱共舉傷晉室若此楚令尹子元欲蠱

文夫人文王夫人息嬀也子元文王弟蠱惑以淫事為館於其宮側而

振萬焉振動也萬舞也夫人聞之泣曰先君以是舞也習

戎備也。今令尹不尋諸仇讎而於未亡人之側不

亦異乎。寡自稱未亡人。御人以告子元。御人，夫人之侍人。

子元曰：婦人不忘襲讎，我反忘之。秋，子元以車六

百乘伐鄭，入于桔柣之門。桔柣，鄭遠郊之門也。子元鬪御彊

鬪，梧耿之不比為旆。子元自與三子特建旆以居前，緇廣充幅長尋，日旆繼旆。

日鬪，班王孫游王孫喜殿。三子在後。衆車入自純

門及達市。純門，鄭外郭門也。達市，郭內道上。縣門不發，楚言而出。

子元曰：鄭有人焉。縣門施於內城門，鄭示楚以閭暇，故不閉城門，出兵而效楚言。

故子元畏，諸侯救鄭，楚師夜遁。鄭人將奔桐丘。許昌

縣東北有桐丘城。謀告曰：楚幕有鼻，乃止。謀，問也。幕，帳也。冬，饑，臧孫辰告糴于齊禮也。經書大，無麥禾傳言饑，傳又先書饑，在築郟上者，說始糴。

經在下，須得糴，嫌或諱饑，故曰禮。築郟，非都也。凡邑有宗廟先君

之主曰都，無曰邑。邑曰築，都曰城。周禮：四縣為都，四井為邑。然宗廟所在則雖邑曰都，尊之也。言凡邑則他築非例。

經二十有九年春，新延廡。傳例曰：書不時，言新者皆舊物不可用，更造之。

夏，鄭人侵許。傳例曰：無秋有蜚，傳例曰：冬十有

二月，紀叔姬卒。無傳，紀國雖滅，叔姬執節守義，故繫之。紀賢而錄之。城諸及

防。諸防，皆魯邑。傳例曰：書時也。諸非備難而興作，傳皆重云。時以釋之，他皆放此。諸，今城陽諸縣。

傳二十九年春新作延慶書不時也經無作凡馬字蓋闕

日中而出日中而入日中春秋分也治慶當以秋分因馬向入而脩之今以春

作故曰夏鄭人侵許凡師有鐘鼓曰伐聲其罪無日

侵鐘鼓無聲輕曰襲掩其不備秋有蜚為災也凡物不為災

不書冬十二月城諸及防書時也凡士功龍見而

畢務戒事也謂今九月周十一月龍星角亢晨見東方三務始畢戒民以土功事

見而致用大火心星次角亢水昏正而裁謂今十月昏而中於是樹日至而畢日南至微陽始動故土功息樊皮叛

王樊皮周大夫樊其采地皮各

經三十年春王正月夏次于成無傳將甲師少故直言次齊將降鄆

故設秋七月齊人降鄆無傳鄆紀附庸國東平無鹽縣東北有鄆城小國孤

危不能自固蓋齊通以兵威脅使降附八月癸亥葬紀叔姬無傳以賢錄也

無臣子故九月庚午朔日有食之鼓用牲于社無傳

冬公及齊侯遇于魯濟濟水歷齊魯界在齊界為齊濟在魯界為魯濟蓋魯

地齊人伐山戎山戎北狄

傳三十年春王命虢公討樊皮夏四月丙辰虢公

入樊執樊仲皮歸于京師楚公子元歸自伐鄭而

處王宮欲遂蠱文夫人鬪射師諫則執而梏之射師鬪廉也足曰梏

手曰秋申公鬬班殺子元申楚縣楚僭號鬬穀於

菟為令尹自毀其家以紓楚國之難鬬穀於菟令尹子文也毀

滅舒冬遇于魯齊謀山戎也以其病燕故也齊桓行霸

故欲為燕謀難燕國今薊縣

經三十有一年春築臺于郎無傳刺奢且夏四月

薛伯卒無傳未築臺于薛無傳薛魯地六月齊侯來獻

戎捷傳例曰諸侯不相遺係捷獲也獻奉也秋築

臺于秦無傳東平范縣西北有秦亭冬不雨無傳不書旱不為

傳三十一年夏六月齊侯來獻戎捷非禮也凡諸

侯有四夷之功則獻于王王以警于夷夷狄懼中

國則否諸侯不相遺雖夷狄係猶不以相遺

經三十有二年春城小穀小穀齊邑濟北穀城縣城中有管仲井大都以

名通者則不繫國夏宋公齊侯遇于梁丘齊善宋之請見故進其班梁丘

在高平昌邑縣西南秋七月癸巳公子牙卒牙慶父同母弟信叔也飲醢而

死不以罪告故得書卒書曰八月癸亥公薨于路

寢路寢正寢也公薨皆書其所詳凶變冬十月己未子般卒子般莊

先君未葬故不稱公子慶父如齊無傳慶父既弑

國人與故懼而適齊欲以求狄伐邢無傳邢國在廣平襄

傳 三十二年春城小穀為管仲也公感齊桓之德故為管仲城

邑齊侯為楚伐鄭之故請會于諸侯楚伐鄭在二十八年謀為

鄭報宋公請先見于齊侯夏遇于梁丘秋七月有

神降于莘有神聲以接莘地惠王問諸內史過曰是何

故也內史過對曰國之將興明神降之監其德也

將亡神又降之觀其惡也故有得神以興亦有以

亡虞夏商周皆有之亦有神與王曰若之何對曰以其

物享焉其至之日亦其物也享祭也若以甲乙日祭先冊玉用蒼服

上青以此類祭之王從之內史過往聞號請命聞號請於神求賜土

田之反曰號必亡矣虐而聽於神神居莘六月號

公使祝應宗區史歸享焉神賜之土田祝大祝宗史應區

史歸曰號其亡乎吾聞之國將興聽于民

政順將亡聽於神求福於神神聰明正直而壹者也依

人而行唯德是與號多涼德其何土之能得涼薄也為倍二年晉

滅下初公築臺臨黨氏黨氏魯大夫築臺不書不告廟見孟任從

之悶孟任黨氏女而以夫人言許之許以為夫人割臂

盟公生子般焉雩講于梁氏女公子觀之雩祭天也講肆

也梁氏魯大夫、國人牽自牆外與之戲
馬者以慢

言戲子般怒使鞭之公曰不如殺之是不可鞭犖

有力焉能投蓋于稷門蓋覆也稷門魯南城門走而自投接其屋之桷反覆

公疾問後於叔牙對曰慶父材蓋欲進其問於

季友對曰臣以死奉般季友莊公母弟故欲立般公曰鄉者牙

曰慶父材成季使以君命命僖叔待于鍼巫氏成季

使鍼季酖之酖鳥名其羽有毒以畫酒飲之則死曰飲

此則有後於魯國不然死且無後飲之歸及達泉

而卒立叔孫氏達泉魯地不以罪誅故得立後世其祿八月癸亥公

薨于路寢子般即位次于黨氏即喪位次舍也冬十月己

未共仲使圉人犖賊子般于黨氏共仲慶父成季奔陳

立閔公閔公莊公庶子於是年八歲

出奔不書國亂史失之

春秋左傳卷三

公疾問後於叔牙對曰慶父... 子友對曰臣以死奉成... 慶父之亂... 莊公之立... 魯國之難... 仲孫之來... 齊侯之盟... 齊侯之葬... 齊侯之伐... 齊侯之不可厭也...

春秋左傳卷四年

盡二年

閔公

各啓方莊公之子母叔姜史記云各開諡法在國遭難曰閔

經元年春王正月齊人救邢夏六月辛酉葬我君

莊公秋八月公及齊侯盟于落姑落姑齊地季子來歸

季子公子友之字季子忠於社稷為國人所思故賢而字之齊侯許納故曰歸冬齊仲孫

來仲孫齊大夫以事出疆因來省難非齊侯命故不稱使也還使齊侯務寧魯亂故嘉而字之來

者事實省難其志也故經但書仲孫之來而傳尋仲孫之志

傳元年春不書即位亂故也國亂不得成禮狄人伐邢狄

邢在往年冬管敬仲言於齊侯曰戎狄豺狼不可厭也

敬仲管諸夏親睦不可棄也諸夏中國也睦近也宴安酖毒

不可懷也以宴安比之酖毒詩云豈不懷歸畏此簡書詩小

雅也文王為西伯勞來諸侯之詩簡書同惡相恤之謂也同恤請

救邢以從簡書齊人救邢夏六月葬莊公亂故是

以緩十一月乃葬秋八月公及齊侯盟于落姑請復季

友也閔公初立國家多難以季子忠賢故請霸主而復之齊侯許之使召諸

陳公次于郎以待之非師旅之事故不書次季子來歸嘉之

也冬齊仲孫湫來省難湫仲孫各書曰仲孫亦嘉之也

仲孫歸曰不去慶父魯難未已時慶父亦還魯公曰若之

何而去之對曰難不已將自斃斃路君其待之公

曰魯可取乎對曰不可猶秉周禮周禮所以本也

臣聞之國將亡本必先顛而後枝葉從之魯不棄

周禮未可動也君其務寧魯難而親之親有禮因

重固能重能固則聞攢貳離而相疑者則覆昏亂

也覆昏亂霸王之器也霸王所用故晉侯作二軍晉本

六年見莊十公將上軍太子申生將下軍趙夙御戎畢

萬為右為公御右也夙趙衰以滅耿滅霍滅魏千

皮氏縣東南有耿鄉永安縣東北有霍大山三國皆姬姓遷為太子城曲沃賜

趙夙耿賜畢萬魏以為太夫士為曰天子不得立

矣分之都城而位以卿先為之極又焉得立卿謂

將下不如逃之無使罪至為吳大伯不亦可乎大

周大王之適子知其父欲猶有令名與其及也言

去猶有令各勝且諺曰心苟無瑕何恤乎無家天

若祚天子其無晉乎為晉殺卜偃曰畢萬之後必

大卜偃晉掌萬盈數也魏大名也以是始賞天啓

之矣天子曰兆民諸侯曰萬民今名之大以從盈

數其必有眾以魏從萬初畢萬筮仕於晉遇屯三

三震下坎之比三三坤下坎上比屯辛廖占之曰

吉辛廖晉屯固比入吉孰大焉其必蕃昌屯險難

堅固比親密震為土震變車從馬震為車足居之

震為兄長之長男母覆之坤為眾歸之坤為六體

不易初爻變有此合而能固安而能殺公侯之

卦也比合屯固坤安震公侯之子孫必復其始畢

公高之後傳為魏之子孫眾多張本

經二年春王正月齊人遷陽無傳陽國各蓋夏五

月乙酉吉禘于莊公三年喪畢致新死者之主於

大祭以審昭穆謂之禘莊公喪未闋時別立秋廟廟成而吉祭又不於大廟故詳書以示譏

八月辛丑公薨實弒書薨又不地者皆史策諱之九月夫人姜氏

孫于邾哀姜外淫故孫稱姜氏公子慶父出奔莒我閔公故冬齊

高子來盟無傳蓋高侯也齊侯使來平魯亂僖公新立因遂結盟故不稱使也魯人貴之

故不書各子男子之美稱十有二月狄入衛書入不能有其地例在襄十三年

鄭棄其師高克見惡久不得還師潰而克奔陳故克狀其事以告魯也

傳二年春虢公敗犬戎于渭汭犬戎西戎別在中國者渭水出隴西

舟之僑曰無德而祿殃也殃將至矣東入河水之隈曲曰汭

遂奔莒舟之僑號大夫夏吉禘于莊公速也初公傳尊下

辭田公不禁下辭魯大夫也公即位年八歲知愛其傳而遂成其意以奪辭田辭忿其慶父因之

秋八月辛丑共仲使卜齋賊公于武

闈宮中小門謂之闈成季以僖公適邾僖公閔公庶兄成風之子共仲

奔莒乃入立之以賂求共仲于莒莒人歸之及密

使公子魚請密魯地琅邪費縣北有密如京公子魚奚斯也不許哭而往

共仲曰奚斯之聲也乃縊慶父之罪雖重季子推親親之恩欲同之叔牙

存孟氏之族故略其罪不書殺又不書卒

閔公哀姜之姊叔姜之子也故齊人立之共仲通於哀姜哀姜欲立之閔公之

死也哀姜與知之故孫于邾齊人取而殺之于夷

大學

以其尸歸為僖元年齊人殺僖公請而葬之哀姜

已重而僖公請其喪還者外欲國齊以居成季之

將生也桓公使卜楚丘之父卜之下楚丘魯曰男

也其名曰友在公之右在右言聞于兩社為公室

輔兩社周社亳社兩社季氏亡則魯不昌又筮之

遇大有三三乾下離之乾三三乾下乾上乾大有

曰同復于父敬如君所筮者之辭也乾為君父離

敬與及生有文在其手曰友遂以命之遂以各冬十

二月狄人伐衛衛懿公好鶴鶴有乘軒者軒大將

戰國人受甲者皆曰使鶴鶴實有祿位余焉能戰

公與石祁子玦與甯莊子矢使守莊子甯速曰以

此贊國擇利而為之贊助也玦示以當與夫人繡

衣曰聽於二子取其文章渠孔御戎子伯為右黃夷

前驅孔嬰齊殿傳言衛侯失民有素雖及狄人戰

于熒澤衛師敗績遂滅衛此熒澤當在河北君死

能赴衛之君臣皆盡無復文告齊桓為之告衛侯

不去其旗是以甚敗狄人囚史華龍滑與禮孔以

逐衛人二人曰我大史也實掌其祭不先國不可

得也夷狄畏鬼故恐乃先之至則告守曰不可待

也宋石窰二大夫夜與國人出狄入衛遂從之又敗諸河

衛將東走渡河初惠公之即位也少蓋年十齊人

使昭伯烝於宣姜不可強之昭伯惠公庶兄宣公子頑也昭伯不可

生齊子戴公文公宋桓夫人許穆夫人文公為衛

之多患也先適齊及敗宋桓公逆諸河迎衛宵濟

夜濟衛之遺民男女七百有三十人益之以共滕

之民為五千人共及滕衛別邑立戴公以廬于曹廬舍也曹衛下

邑戴公名申立其許穆夫人賦載馳載馳詩衛風年卒而立文公

痛衛之亡思歸唁之齊侯使公子無虧帥車三百

乘甲士三千人以戍曹無虧齊桓公子武孟也車甲之賦異於常故傳別見

之歸公乘馬祭服五稱牛羊豕雞狗皆三百與門

林歸遺也四馬曰乘衣單複婦夫人魚軒魚軒夫

魚皮重錦三十兩重錦錦之熟細者以二丈雙鄭

人惡高克使帥師次于河上久而弗召師潰而歸

高克奔陳高克鄭大夫也好利而不顧其君文鄭

人為之賦清人清人詩鄭風也刺文公退晉侯使

大子申生伐東山臯落疾臯落其氏族里克諫曰

天子奉冢祀社稷之粢盛里克晉大以朝夕視君

膳者也膳厨故曰冢子君行則守有守則從從曰

撫軍守曰監國古之制也夫帥師專行謀帥師者必專謀

軍誓軍旅宜號君與國政之所圖也非天子之事

也國政師在制命而已命將軍所制稟命則不威專命

則不孝故君之嗣適不可以帥師君失其官帥師

不威將焉用之天子統師是失其官也專命且臣

聞臯落氏將戰君其舍之公曰寡人有子未知其

誰立焉不對而退見天子天子曰吾其廢乎對曰

告之以臨民謂居教之以軍旅謂將不共是懼何

故廢乎且子懼不孝無懼弗得立脩已而不責人

則免於難天子帥師公衣之偏衣偏衣左右異色

佩之金玦以金狐突御戎先友為右狐突伯行重

為申生御申生梁餘子養御罕夷先丹木為右罕

晉下軍卿也梁餘羊舌大夫為尉羊舌大夫叔向

先友曰衣身之偏偏半握兵之要謂佩金玦在此

行也子其勉之偏躬無愆分身衣之半兵要遠災

威權在已親以無災又何患焉狐突歎曰時事之

徵也歎以先友為衣身之章也章貴佩表之旗也賤

表明其中故敬其事則命以始賞以春夏服其身則

衣之純必以純色為服用其衷則佩之度衷中也佩玉者

今命以時卒冬十二月闕其事也闕盡之時衣之龍服遠其

躬也龍雜色佩以金玦棄其衷也服以遠之時以闕

之龍涼冬殺金寒玦離胡可恃也其涼殺離言無

缺不雖欲勉之狄可盡乎梁餘子養曰帥師者受

命於廟受服於社盛以服器有常服矣不獲而

龍命可知也韋弁服軍之常也龍偏衣死而不孝不如逃之罕

夷曰龍奇無常雜色奇怪金玦不復雖復何為君

有心矣有言大先丹木曰是服也狂夫阻之阻疑

雖狂夫猶曰盡敵而反日公敵可盡乎雖盡敵猶

有內讒不如違之違去狐突欲行行亦羊舌大夫

曰不可違命不孝棄事不忠雖知其寒惡不可取

子其死之寒薄大子將戰狐突諫曰不可昔辛伯

諗周桓公諗告也事在云內寵茲后外寵二政嬖

子配適大都耦國亂之本也周公弗從故及於難

今亂本成矣嬖嬖為內寵二五為外寵奚齊為

嬖子曲沃為大都故曰亂本成矣

可必乎孝而安民子其圖之奉身為孝不與其危

身以速罪也有功益見害故言孰與危身以召罪成風聞成季之繇

成風莊公之妾僖公之母也繇卦兆之占辭乃事之而屬僖公焉故成

季立之僖之元年齊桓公遷邢于夷儀二年封衛

于楚丘邢遷如歸衛國忘亡忘其滅之困衛文公大布

之衣大帛之冠大布麤布大帛厚繒務材訓農通

商惠工加惠於百工敬教勸學授方任能亦百事

元年革車三十乘季年乃三百乘衛文公以此年冬立齊桓公始

平魯亂故傳因言齊之所以霸衛之所由興革車兵車季年在僖二十五年蓋招懷迸散故能致十

倍之

春秋左傳卷四

左傳

卷四

九



